

# DEO OPTIMO MAX.

## UNI ET TRINO,

VIRGINI DEI-PARÆ, ET S. LUCÆ

Orthodoxorum Medicorum Patrono.

### QUÆSTIO MEDICA,

QUOD LIBETARIIS DISPUTATIONIBUS  
manè discutienda, in Scholis Medicorum, die Mercurii vigesima-  
tertiâ mensis Junii, Anno Domini M. DCC. LI.

#### P R Æ S I D E .

M. JOANNE MAC-MAHON, Doctore Medico,  
in Nosocomio Regio Colmariensi Medico ordinario.

An Vomitus perniciaci, Acida lenibus Aromaticis nupta?

#### I.



OMITUS violenta dicitur expulsio contentorum ventriculi per os. Irritatis scilicet sacci hujusce membranacei fibrillis nerveis, spiritus vividioribus undis resiliunt ad sensorium commune, indeque vel ob viciniam originis, vel ob angulos reflexionis & incidentiæ æquales, vel ob plexuum vicinorum distractionem, in nervos qui diaphragmati & musculis infimi ventris prospiciunt, rapido motu feruntur: quibus simul contractis, ventriculus duobus quasi prælis interjacens, in arctissimum spatium redactus, hærentes intus succos ingenti vi per orificium superius eructat, dum interea detruso hepate, convulsisque musculis abdominalibus rugosus occluditur pylorus. Illud quidem magno sæpe ægrotantium bono accidit, (a) cum non tantum tenacius ventriculi glandulis impactos humores amolitur vomitus, sanguini penitus immixtos liquando tenuat, & per varia incernicula extrudit, sed & partium elaterem spirituum vixuor languentem erigit, fractum vasorum tonum instigat, systolen adauget, undæ stagnantes vel morantes quassantur, teruntur & protruduntur succi: restaurato sanguinis & lymphæ circuitui impedita extricantur glandula, compressæque spirituum orbita & tractus explicantur. At nihil ex omni parte beatum. Ab eodem diutius producto innumera mala fofolescunt: ejectis enim indefinenter quæcumque assumuntur, succisque ex universo corpore in intestina & ventriculum affluentibus, continuò expressis, corpus suo defraudatum alimento verâ tandem atrophia consumptum marcescit: viscera si quæ sint chronicis jam morbis multum labefactata, rupturæ lethalis discrimini obijciuntur. Stomachus suâ sede dissiliit, compressoque fundo fursùm impetu rapitur: adjacentes quas succutit & ad se attrahit membranæ partesque tremulo motu quassatæ diutius, tono fractæ fatiscunt. Turbato toto systemate nervoso, spasmodico sæpe motu convelluntur (b) verius quàm contrahuntur ipsi artuum musculi. Impedita respirationis organa, coacta in angustum abdominis viscera propulsam corde difficilius parciusque admittunt sanguinem, quem eò fortiùs abundantiusque ad cerebrum necesse est evibrari, quò adversus pressionem exteriorem offeo calvaria propugnaculo munitius est, molliori que fibrarum contextu fabricatum... Summus ergo metus est (c) inquit celeberrimus Van-Swieten, ne à diturno & valido vomitu rumpantur encephali vasa, & ab effusis humoribus compresso cerebro lethalis apoplexia fiat, quàm toties inter vomendi conatus acci-



(a) D. Ver-nage, in quæst. An maligna febris, sapientia festio, emeti-tum?

(b) D. de la Vigne, in no-tia febris ma-ligna vomito-ria?

(c) Comment. in Aphorism. Hermannii Boerhaav, §. 636. Totu. 1. p. 235.

*disse historia Medica testatur. Turget enim tunc facies & rubet, oculi sanguine suffusi lacrymantur, vena jugulares inflata tument, scintilla & varii colores oculis obversantur, timiunt aures, vertiginosi sunt, & post validum vomitum saepe per aliquod tempus hebetes & somnolenti manent homines. Tantæ malorum Iliadi, rescisâ radice, obviam ibit vomitum compescendo, qui ejus causas ritè perspectas habuerit, iisque aptam applicare medelam noverit.*

## I I.

**V**ENTRICULUS phlogosi, ulcere, scirrho tentatus, sive accumbentium viscerum vitio lacescitur, sive dissitis etiam partibus, renibus, v. g. aut utero condolens faciliè convellitur; & intrò quasi raptò abdomine vomitus excitantur enormes. Adèò enim esse partem hanc irritabilem testatur jam laudatus celeberrimus Van-Swieten, ut, ejus externâ etiam superficie rudiùs attractâ forpice, vel cultelli apice punctâ in mortuo jam (a) animali, convellatur. Crocum metallorum collyrii formâ oculus sine dolore admittit; deglutitur idem, quantos brevè ciebit tumultus! Solus inordinatus spirituum motus, ut in hominibus navi aut rhedâ vectis, aut in gyrum celeriter actis videre est, totam ferè corporis habitudinem turbat & evertit. At hæ omnes causæ satis evidenter innotescent, methodumque postulant curatorium, morbis, è quibus scaturire solent, debellandis appositam. Sin à materiâ lentâ & viscidâ, aut à bile intùs aggestâ oriatur, diluti & attenuati priùs humores vomitorio everri se patientur. Sublatâ tamen vomitionis causâ materiali sive remotâ, sæpè persistit pertinax vomitio à spasticâ fibrarum oscillatione adhuc vividius perseverante, & musculis abdominalibus cum diaphragmate in consensum trahente. Quemadmodum enim (b) seroso-biliofi, sanguinolenti, mucosique alvi fluxus à spasmodicis intestinorum motibus oriuntur; sicut in epilepticis insulsiùs, ab effræni nervorum distentione omnis generis excrementa invitè eliminantur, in singularibus oculi vel uteri fibrarum spasmis, lacrymæ injussæ fluunt, & fluor albus exprimitur, ita etiam ventriculi motu præternaturali perseverante, affluentes undequaque succi continuò, quâ data porta, propelluntur. Constat ex mechanicis, corpus fune pendulum, si à lineâ directionis perpendiculari deducatur, perpetuò ascendere, & descendere, arcusque isochronos describere, si in cycloide moveatur. Chorda tensa impulsâ oscillare pergit, licet debiliùs, per sat longum tempus, ideò in organo musico fidibus intento, panni coccinei frustulis ad temperandos fidium tremores utuntur artifices. Quidni ergò eadem oscillatio in villis ventriculi sensu exquisitissimo donatis semel excitata sublatâ etiam causâ stimulantè perseveraret? Spiritus enim nervorum incolæ (c) validius & copiosius influentes à cerebro, extremos vasorum, quæ perfluunt, fines, ubi eorum imperus terminatur, distendunt & distrahunt; partes autem nimis distractæ sese iterum restituere conantur, tantâque vi in contactum urgentur, ut superatâ liquidi influentis resistentiâ, illud in refluxum cogant; quo factò & remisso momento virium, quibus in cohesionem venerunt, iterum fit influxus. Hac alternatione influxus & refluxus, seu contractionis & distractionis, fit concussio vehementissima universi corporis, totius saltem nervosi ac membranosi generis, unde magna & vivida fluctuatio & dissipatio spirituum, succorumque ad contactum fibrarum ubivis hærentium expressio. Jam verò, vis motos componere fluctus? Vis consistat stomachus, cessetque fibrarum oscillatio nimia? Hoc præstabant acida lenibus aromaticis nupta.

## III.

**S**ALIA acida, si ad phænomena sensibus obvia attendas, ea sunt, quæ sapore proprio acido, effervescentiâ cum pluribus alcalicis se produnt, quæ chartæ ceruleæ rubedinem conciliant, putredini resistunt, & cum terreis aut alcalinis substantiis, in corpus insipidum vel in salia neutra mutantur. Liquidâ plerumque formâ profertant, sicci tamen sunt tartarus & sal succini volatilis: prior adhuc paucâ terrâ & multâ substantiâ pingui resinosa combinatur. Acida illa generatim sunt vel mineralia, vel vegetabilia, vel animalia; ex insectis enim aculeo instructis, ut ex formicis, acidum eliciunt. Acidum minerale, ut omnibus notum, triplex; vitriolicum, nitrosum, & salis communis. Acidum vitriolicum vegetabilium succis arctè immixtum, in eorum nutrimentum cedit, in iisque pro vario maturitatis statu variè linguam

(a) Van-Swieten Comment. in Aphorism. Boerhaav. §. 654. Tom. 2. p. 255.

(b) D. Ant. de Jussieu in quæstione. An inveterati alvi fluxus Si. maribus?

(c) Vid. Santorini de struclura & motu nervi, & Bellini de stimulis & viis contrahilib.

afficit, sapore jam (a) sincerius acido, jam austero, jam dulci, prout accedente mucilagine, vel oleo, vel terris diversis variè mutatur. In chaos etiam aerem montium ignivomorum effluviis & mineralium ustulationibus effusum, ubique vagatur, ut tartari vitrioli ex cineribus clavellatis aeri expositis productio demonstrat, unde merito acidum universale dici debet, quum per singula naturæ regna latissimè diffusum, cæterorum omnium acidorum fons & origo sit. Aromatica blanda, sale volatili & oleo æthereo, plantæ, è quâ elicitur, virtutibus divite turgent, qualia sunt Melissa, Mentha, Rosa, Majorana, aliæque ejusmodi suaveolentes herbæ. Eorum vis præcipua hæret in aqua stillatitiis primò prodeuntibus, quæ oleo hoc inflammabili scatent; olea enim ejusmodi essentialia sacchari ope in aquâ simplici soluta vices aquæ destillatæ tueri possunt. Promptè cum acidis sociantur, unde methodum excogitavit Dominus Homberg (b) oleum essentialia è rosis majori copiâ eliciendi quam vulgò fieri solet. Macerari eas per plures dies in aquâ à spiritu vitrioli in stillato acedente præcepit. Oleum quasi aliis ab acido instructum tertiâ parte augmentum, in sublime rapitur. Dum itaque aqua quædam aromatica menthæ v. g. aut florum aurantium, cum spiritus vitrioli guttis aliquot & ejusdem menthæ sirupo, vomitanti propinatur, statim ad suavis medicamenti contactum blandè stringuntur fibræ ventriculi, nimia earum mobilitas quasi tonicè sistitur; gratâ sensatione recreati spiritus, placidis undis refluant ad sensorium commune: hinc influxus eorum lenior & moderatus, cumque antea in solius ventriculi fibras partesque ab ipso in consensum raptas rapidissimè irruerent, omniaque susque deque moverent impetuosi, nunc in musculorum omnium fibras leni & æquabili fluente feruntur; pulsus antea depressus erigitur & purpureus latex in totius corporis habitudinem calorem & vitam allaturus diffunditur.

(a) Juncetii  
confusio Cbes  
mâ, Tom. 2.  
p. 54. 202.

(b) Comment.  
Reg. Scient.  
Acad. 21. no  
1700.

#### IV.

**D**UBITAS rem ita se habere? percurre varia ex acidis & lenibus aromaticis aut iis analogis substantiis parata medicamina: eorum effectus accuratius perpende. Omnia nostræ assertionis veritatem suadebunt. Quid aliud testatur Elixir vitrioli Myrsichti, quod ex oleo vitrioli, spiritu vini & aromaticis variis unâ digestis concinnatur, & cujus ipse in vomitu, qui ægrum à tribus hebdomadis excruciat, sedando vires expertus sum? Quid spiritus nitri dulcis & essentia carminativa Wedelii, quæ colicos dolores virtute suâ antispasmodicâ egregiè placant? Nonne huc etiam referri potest liquor ille celeberrimus ab eximiâ volatilitate & penetranti odoris suavitate æther dictus? Ad eundem accedit liquor mineralis anodynus Hoffmanni, ex oleo vitrioli & spiritu vini paratus. Ipse spiritus vini, in quo olei ætherici acidique subtilis præsentia multis experimentis demonstratur, tonicâ & adonynâ virtute se commendat. Spiritus urinosi à Boerhaavio & aliis plurimis laudantur, ubi à sensorio communi nimis facilè mobili, exlex fit spiritum moventium impetus, in hos illosve musculos irruentium sine regimine animæ. Spiritus autem urinosi ex intimâ conjunctione acidi & inflammabilis principii generantur: vitriolum enim si cum calce vivâ destilletur, spiritum præbet urinosum. Sin eidem affusus vini spiritus sæpius abstrahatur, grato vini Malvatici odore perfunditur spiritus, & visibiliter adonynâ donatur, teste Angelo Sala. Paracellus aliter proprietatem epilepsiam sanandi vitriolo divinitus inesse. Sulphur vitrioli anodynum, sive potius terram mineralem subtilem & figentem cum spiritu sursum effertur plures contendunt Chemicis, & ab illâ emanare vim; quâ pollet, motus enormes compefendi. Accutum ipsum, singultum, qui motibus convulsivis accendi debet, illicò sæpè tollit; imò verò somno vinoque sepultus ex spirituum fermentatorum abusu, ingestio excitatur aceto; hinc juxta Boerhaavium nervis erigendis, lenique oscillatione moventis vix aliud aptius. Quid memorem Riverii celebre remedium antiemeticum ex sale absinthii, & sicco citrei; quod stimulo quem exerit, spasmos brevi evanidos excitando, fortiores vomitum committentes solvit. Fortè tamen felicis ageret, si absque sale absinthii idem succus, lenibus aromaticis junctus, propinaretur. Grata enim aromatica remedia, blando, quem excitant, sensu, fibras quasi demulcent in æquabilem contractionem: vim medicaminis venis diffundi mediante ventriculo totum statim

4

experitur corpus. Augetur pulsus: prono & æquabili lapsu abripitur vitale fluentum: lenis & placida in nervorum origine excitatur spirituum undulatio: unde minor in ventriculorum succorum cujuscumque generis affluxus, & optata tandem diris agitati procellis organi tranquillitas.

V.

**V**ERUM, inquires, numquid opiatīs hæ turbæ rectius compescendæ veniunt? Quemadmodum motu vitæ mortalium fovetur & tollitur, ita eodem tollitur & restituitur sanitas. Torpescens & languidior motus medicamentis spirituosus & volatilibus excitatur. Modum excedens anodynus sedatur. Duplici autem modo agunt anodyna in ipsa solida, vel eadem laxando vel stringendo & quasi tonicè sistendo, ita ut indurata quodammodo & firmata nonnisi majori momento virium sede suâ dimoveri se patiantur. Opiata verò agere laxando fibras nerveas ferè convenit inter Medicos, gravesque eorum noxas recenset Wepferus in tractatu de cicuta aquaticâ. Quemdam à viginti guttis laudani liquidi ad sistendum vomitum assumptis extinctum fuisse testantur (a) observationes Edimburgicæ. Non ideò tamen sua opiatīs laus deneganda, sed ab evacuationibus immodicis debilitato ægro, & à prægressis spasmis atoniâ viscerum laboranti vix tutò propinquant. Urgebis, saltem acida nervis prorsus inimica esse, & ab eorumdem nonnullis, emeticorum ex antimonio paratorum, vim intendi. Esto, acida pura, caustica quidem & acerrima, nervis proinde inimica sint, sed hic agitur de iisdem dilutis & suavi cum blandis aromaticis connubio delinitis. Acidum vitriolicum de se fixum & acre cum principio carbonum inflammabili, abit in verum sulphur, insipidum & volatile: cum octavâ ponderis sui parte olei anisi mixtum & digestum in amarissimam abit substantiam; hinc amaris & tonicis medicamentis essentialiter inesse videtur acidum vitrioli. Quid quod ab eodem, imò & à reliquis acidis, fenticularum dolores peculiari quâdam efficacità protinus placari asserat Junckerus (b); Ab aceto destillato optimè corrigi omnia corrosiva, seu venena mineralia & infringi vim emeticam vitrii antimonii testatur post Basilium Valentinum idem Junckerus. (c) Constat saltem mercurium præcipitatum viridem ab aceto destillato in quo solvitur mirum in modum miscere. Verum esto, acida metallis unita vim edant emeticam, idem non præstabunt, si lenibus Aromaticis blando societatis vinculo conjungantur.

(a) *Verbonis Gallicæ Tom. 4. utiq. 17.*

(b) *Conspect. Chemie Tom. 2. pag. 229.*

(c) *Conspect. Chemie Tom. 2. pag. 248.*

*Ergò Vomitus pertinaci, Acida lenibus Aromaticis nupta.*

## DOMINI DOCTORES DISPUTATURI.

*M. Alexander - Dionysius Dietert.*

*M. Urbanus de Vandenesse.*

*M. Ludovicus - Joannes le Thieullier, Regis Consiliarius, in Majori Consilio & in Magnâ Regiæ Domûs & Franciæ Præfectorum Medicus ordinarius, Regiæ Societatis Londinensis, necnon Imperialis naturæ Curiosorum & Regiæ Matritensis Academiæ Socius.*

*M. Carolus Geille de S. Leger.*

*M. Theodorus Baron.*

*M. Nicolaus le Roy de Saint Aignan.*

*M. Jacobus-Ludovicus Alleaume.*

*M. Andreas Cantwel, Regiæ Societatis Londinensis Socius.*

*M. David Vasse.*

Proponebat Parisiis **CAROLUS GILLOT**, Barroduceus Tullensis, Sauberrimæ Facultatis Medicinæ Parisiensis Baccalaureus, A. R. S. H. 1751,

A SEXTA AD MERIDIEM.